



Broj: 01-05-1500-2/17 KM
Sarajevo, 27.04.2017. god.

SKUPŠTINA KANTONA SARAJEVO
Služba za skupštinske poslove
SARAJEVO

PREDMET: Odgovor na „Poslaničko pitanje“

U prilogu dopisa dostavljamo Vam odgovor na postavljeno poslaničko pitanje na 25. Radnoj sjednici Skupštine Kantona Sarajevo održanoj dana 07.02.2017. godine, a od strane zastupnika Mirsada Pindže.

Pitanje:

„U odgovoru na moje zastupničko pitanje, Kantonalna uprava za inspeksijske poslove je dostavila odgovor, akt broj: 14-02-05-04096/16 od 07.12. 2016. god. konstatovala da nisu u nadležnosti inspeksijskih službi koji djeluju unutar ovog organa, slijedeća pitanja:

1. Stanje svih pojedinačnih tužbi uposlenika, eventualne presude Suda, obaveze preduzeća po tužbenim zahtjevima i obaveze preduzeća po presudama uposlenika, da li su presude izvršne, sudske troškove, kamate i dr. te eventualne mjere za odgovorne osobe za eventualno kršenje zakonskih propisa i nastalu štetu po preduzeće.
2. Prodaju osnovnih sredstava preduzeća, pojedinačno, naziv sredstva, knjigovodstvena vrijednost, način prodaje, cijena i kupac sredstva.

Zato tražim odgovor od Vlade Kantona, valjda oni znaju ko je nadležan da vrši kontrolu, utvrdi činjenično stanje i dostavi odgovor, ako to nije Uprava za inspeksijske poslove.

Na slijedeće pitanje Uprava je odgovorila detaljno, sa mnogo činjenica ... ali nije odgovorila i na pitanje da li je ispoštovan Zakon, da se u određenom roku ne mogu primiti novi uposlenici ako među otpuštenim uposlenicima koji su proglašeni tehnološkim viškom ima onih koji ispunjavaju uslove u skladu sa Pravilnikom a ukazala se potreba za angažovanjem.

3. Poštivanje Zakona o radu i na bazi Zakona donesenih odgovarajućih internig Pravilnika ... u pogledu prekida ugovora o radu uposlenika po svim osnovama, novog upošljavanja i poštivanja Zakona i donesenih Programa sanacije preduzeća i Programa zbrinjavanja tehnološkog viška.

Tražim da Vlada utvrdi koji organ je nadležan, naloži kontrolu i dostavi odgovore na ova pitanja.“



Odgovor :

Ministarstvu saobraćaja Kantona Sarajevo, na osnovu upućenog zahtjeva, preduzeće KJKP „Gradski saobraćaj“ d.o.o. Sarajevo dostavilo slijedeće podatke:

Shodno Zaključku Vlade Kantona Sarajevo broj: 02-05-11993-5.3/17 od 27.03.2017. godine kojim se traži od da dostavi odgovore na zastupnička pitanja zastupnika Mirsada Pindže.

Na postavljena zastupnička pitanja dajemo odgovore kako slijedi:

1. Stanje svih pojedinačnih tužbi uposlenika po osnovu ne primjenjivanja Kolektivnog ugovora, i tuužbi uposlenika po drugim osnovama (otkaz ugovora o radu, povreda na radu, otkaz ugovora o radu po osnovu penzionisanja) iskazao je u Tabeli 1 i Tabeli 2. Koje su u prilogu.

2. Kao odgovor na pitanje o prodaji osnovnih sredstava preduzeća, preduzeće nije vršilo nikakvu prodaju osnovnih sredstava.

3. Kao odgovor dio pitanja koji se odnosi na zbrinjavanje „tehnološkog viška“, može se reći da tehnološki višak uposlenika nije zvanično proglašen ali je smanjen broja uposlenih i to penzionisanjem uposlenika koji su stekli pravo na penziju. Preduzeće je izradom **Programa restrukturiranja i zbrinjavanja viška uposlenika u 2015. godini i 2016. godini penzionisalo ukupno 219 uposlenika.**

Zbog izuzetno teške finansijske situacije u kojoj se nalazi naše preduzeće, a koja se od druge polovine 2015. dodatno komplicira sve učestalijim pristizanjem sudskih Rješenja o izvršenju po osnovu tužbi uposlenika zbog nepoštivanja odredbi Kolektivnog ugovora, nije moguće izmirenje obaveza nastalih po osnovu poreza i doprinosa na / iz plaća uposlenika.

Uposlenicima KJKP «GRAS» d.o.o Sarajevo od 2009. godine nisu uplaćivani porezi i doprinosi, izuzev za uposlenike koji su stekli pravo na penziju.

Kako se od 2013. godine nisu izmirivale obaveze ni za uposlenike koji su stekli pravo na penziju, isti su nastavili da rade i dodatno opteretili platni fond. Iz mjeseca u mjesec povećavale su se obaveze za direktne poreze.

U maju 2015. godine penzionisana su 124 uposlenika. Uplatu doprinosa za PIO izvršio je JU Zavod za zapošljavanje Kantona Sarajevo **u skladu sa na Programom restrukturiranja i zbrinjavanja viška uposlenika u 2015. godini** na koji je **Vlade Kantona Sarajevo dala saglasnost**, Zaključak Vlade Kantona Sarajevo broj: 02-05-23168-12/15 od 21.08.2015., a čija je realizacija započeta u septembru 2015. godine.

U cilju iznalaženja rješenja uplate doprinosa PIO za **95 uposlenika** koji su penzionisani zaključno sa 31.12.2016. godine, preduzeće je izradilo **Programa restrukturiranja i zbrinjavanja viška uposlenika u 2016. godini** na koji je Vlada Kantona Sarajevo dala saglasnost. Zaključak broj : 02-05-33274-16/16 od 01.12.2016. godine.

Realizacije navedenog programa je u toku.

Prilozi; Tabela 1. i Tabela 2. Stanje radnih sporova - pojedinačnih tužbi uposlenika

S poštovanjem,

Dostaviti:

- Skupština Kantona Sarajevo
- evidencija
- arhiva

Predmet obradio: Muamer Kukan

MINISTAR

Dr.sc Mujo Fišo



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

